

Kapitali 1. AALLAQQAASIUT

Nunatsinni nakorsaaneq naalackersuisoqarfinni pisortat allat assigalugit toqqaannartumik Ilaqutariinnermut Peqqissutsimullu Naalackersuisoqarfimmi naalackersuisumut attaveqartartussaalerneq.

Taamaalilluni Peqqinnissaqarfiup Nunatsinni Nakorsaaneqarfiup akornanni attaveqatigiittarnerup ataqatigiis-suunnginnera erseqqissaavigineqarpoq.

Nunantsinni Nakorsaaneqarfiup inatsisitigut tunngavissarisaa tassaavoq **Peqqinnissaqarfiup aqunneqarnera, aaqqissuussaanaera kiisalu peqqinnissamut tunngasutigut sullissisut aamma tarnip pissusaanik ilisimasallit pillugit Inatsisartut inatsisaat nr. 27, 18. november 2010-meersoq.**

§ 7. Peqqinnissamik sullissinnermut tunngasut pillugit Naalackersuisunut oqartussaasunullu allanut siunnersuisarlunilu allatigut ikiuuttartussamik Naalackersuisut Nunatta Nakorsaaneqarfianik pilersitsissapput. Imm. 2. Nunatta Nakorsaaneqarfiata Naalackersuisut peqqinnikkut inissisimanermik sianiginninnerannik ikiussavai.

Imm. 3. Nunatta Nakorsaaneqarfia peqqinnissamut tunngasutigut inuit peqqinnissaqarfiup iluani sulinerannik aamma tarnip pissusaanik ilisimasallit peqqinnissaqarfiup iluani sulinerannik nakkutilliisaaq. Imm. 4. Nunatta Nakorsaaneqarfia peqqinnissaqarfiup iluani sullissivinni peqqinnissamut tunngasutigut sulinerannik nakkutilliisaaq.

§ 8. Nunatta Nakorsaaneqarfimmi unioqquutitsisoqarsimanerannik amigaateqarto-qarneranilluunniit paasisaqaruni oqartussaasunut pineqartunut pisariaqartitsineq naapertorlugu ilisimatitsisaaq. Aammattaaq peqqinnissamut tunngatillugu immikkut pisariaqartoqalersillugu Nunatta Nakorsaaneqarfianik tamanut ammasumik paasisutissisassaaq.

§ 9. Nunatta Nakorsaaneqarfiata sulinerannik pillugu malittarisassat sukumiinerusut Naalackersuisut aalajangersassavaat.

Imm. 2. Naalackersuisut malittarisassanik aalajangersaasinnaapput, Nunatta Nakorsaaneqarfiata peqqinnissamut tunngasutigut sullissisut peqqinnissaqarfiup avataani pisortat oqartussaaffiini namminersortunilu sulinerannik, aamma tarnip pissusaanik ilisimasallit peqqinnissaqarfiup avataani pisortat oqartussaaffiini namminersortunilu sulinerannik nakkutilliinissaanik.

Imm. 3. Naalackersuisut malittarisassanik aalajangersaasinnaapput, Nunatta Nakorsaaneqarfiata peqqinnissaqarfiup avataani pisortat oqartussaaffiini namminersortunilu pissutsinut peqqinnissamut tunngasunut, aamma peqqinnissaqarfiup avataani pisortat oqartussaaffiini namminersortunilu tarnip pissusaanik ilisimasallit atuunnerannut pissutsinut nakkutilliinissaanik.

Imm. 4. Naalackersuisut malittarisassanik aalajangersaasinnaapput, Nunatta Nakorsaaneqarfianik § 3-mi, imm. 1-imi aamma imm. 2-mi inuit taaneqartut, Peqqinnissaqarfiup sullissinnermut tunngasutigut pissusissanik malinnilluarnissamut ataatsimiititaliaata avataaniittut aamma peqqinnissaqarfimmi sulisut allat katsorsaaneqarfianik peqataasut pillugit napparsimasut naammagittaalliuutaannik suliaqarnermi aalajangiisassasoq.

§ 10. Inuit aamma sullissiviit §§ 7-imi aamma 9-mi taaneqartut pissusaaffeqarput Nunatta Nakorsaaneqarfiata qinnuteqarnera naapertorlugu paasisutissanik tamanik nakkutilliinerup ingerlanneqarnissaanut pisariaqartinneqartunik tunniussinissaminnut.

Imm. 2. Inuit § 9-mi, imm. 4-mi taaneqartut aammattaaq pissusaaffeqarput Nunatta Nakorsaaneqarfiata qinnuteqarnera naapertorlugu paasisutissat suugaluartulluunniit, tassunga ilanngullugit nalunaarsuinermi allat-tuiffiit, naammagittaalliuutinik suliaqarnermut atorineqartussat Nunatta Nakorsaaneqarfianut nalunaarutigis-sallugit.

Imm. 3. Nunatta Nakorsaaneqarfia eqqartuussinikkut aalajangiinertaqanngitsumik, aamma inatsisitigut naapertuuttumik uppersaammik takutitsinikkut kalerreeqqaarani sullissivinnik § 7-imi, imm. 4-mi, aamma § 9-mi, imm. 3-mi taaneqartunik nakkutilliisnaatitavoq.

Peqqinnissakkut Nakkutilliisoqarfiup (maanna Nunatsinni Nakorsaaneqarfik) sulinissaa pillugu Namminersornerullutik Oqartussat Nalunaarutaanni nr. 1-imi 4. januar 1996-imeersumi suliasat aalajangersaavigineqarsimapput.

Nunatsinni Nakorsaaneqarfiup suliassai

- Peqqinnissamik sulinnermut tunngasut pillugit allatigullu Naalackersuisunut pisortaqarfinnullu siunnersuisarlunilu allatigut ikiuuttarnissaq.
- Peqqinnissakkut suliniutini amigaatit uparuartortassallugit iluarsisutissanillu siunnersuuteqartassalluni.
- Peqqissutsikkut pissutsit immikkut ittut tamanna pisariaqartileraangassuk tamanut ammasumik paasisutissisarnissaq.
- Peqqinnissamut sulisunut qeqqissutsimut tunngasunik ilitsersuutinik nassiussuineq.
- Peqqinnissaqarfinni sulisunuk pisortallu angerlarsimaffiutaannik nakkutilliineq.

- Napparsimasut Sullinneqarneranni Maalaartarfimmut maalaarutit piareersaataasumik suliarinissaat.
- Peqqissaasutut Kalaallit Nunaanni sulisinnaatitaanermut akuersissutinik tunniussisarnerit.
- Nakorsat Qullersaat aamma eqqartuussivinnut ikuuttarnernik, isumaginninnermut atatillugu peqqinnissaqarfimmi suliassanut, avatangiisinut peqqinnissamut tunngasunik sianiginnilluarnermut atasunik suliartaqarpoq.
- Nunatsinni Nakorsaaneqarfiup suliassai allat tassaapput peqqissutsimik kisitsisit atorlugit nakkutiginninneq, nappaatit tuniluuttartut atugaanerat nalunaaruteqartassalluni aammalu ukiumoortumik pisortaqaqarfiup suliassai ukiumoortumik nalunaarusiorneq.
- Peqqinnissakkut Nakkutillisorqarfik aamma innuttaasut peqqinnerulernissaat ataatsimut isigalugu pitsaaliuinerlu pillugit suliani pilersaarusoqataasassaaq.

Qallunaat peqqinnissakkut pisortaqaarfii qanittumik pitsaasumillu suleqatigineqarput, taamatullu Skandinavianni nunarsuarmilu tamani qanittumik suleqateqarluni.

Paasissutissat pitsaassuseqarluartut pulaffigalugit paasissutissanik ujarlerfigisinnaanissaat piffissap ilaani ingerlasumi peqqissutsip qanoq issimanerata malinnaavigisinnaanissaanut allanullu nunap iluani avataanilu naleqqiussisnaanissanut tunngavissisassapput. Nalunaarsuutit tatiginartut tassaapput politikikkut iliuusis-sanik qinerlernerimut tulleriaarinissamullu pisariaqartunut tunngaviuvittussat, aammalu tassaallutik Kalaallit Nunaanni peqqinnissalerinermi pilersaarusiornermut peqqinnissaqarfiullu aqunneqarnissaanut tunngavissanik qulakkeereqataasussat.

Nunatsinni Nakorsaaneqarfik paasissutissanut nalunaarsuutitut makkununga tunngassuteqartunut katersi-viuvoq:

1) Erninerit pillugit nalunaarutaasartut, 2) toqusut allagartaat, 3) akuerisaasumik naartuersinnerit naartuler-sinnaajunnaartitsinerit naartulersitsisnaajunnaarsitsinerillu, 4) nappaatit tuniluuttartut (soorlu TB, meningi-tis, nappaatit atoqatigiinnikkut tunillaasut il.il.), 5) kræfteqarnerit, 6) napparsimalersinnaanernut kapuinerit, 7) maalaarutit, 8) peqqissaasut peqqissaasutut sulisnaanissamut akuersissutaat, 9) inunnguutsimi innarluutit, kiisalu 10) pinngitsaaliissummik inissiisarnernik nalunaarutit.

Nunani Avannarlerni nunanilu tamalaani suleqatissatut qanittumik attaveqarnissaq pisariaqartinneqarpoq.

Nunatsinni Nakorsaaneqarfik 2013-imi aningaasartuutissatut missingersuusianik 3,7 mio. koruuninik atugas-sinneqarluni aaqqissuusnaanikkullu immikkoorluni inissisimavoq.

NUNATSINNI NAKORSAANEQARFIMMI ALLAFFISSORNIKKUT INGERLATSINEQ

2013-imi makku atorfeqarput:

Nakorsat qullersaat Flemming Kleist Stenz
Kontorfuldmægtigi Tania Dyreborg Broberg
Peqqissaasooq, MPH, Turid Bjarnason Skifte
Immikkut ilisimalimmik siunnersorti Gorm Nørgaard Pedersen
Immikkut ilisimasalik peqqissaasooq Thomas Rendal maajip 1-iat 2012 atorfinitsinneqartoq

2013-imi taartaasooq:

Nakorsat qullersaat Anne Grete Claudi Jensen 8. juli 2013-imiit 28. juli 2013-imut.

2013-imi akunnermusiaqarluni allaffimmi kisitsisitigut naatsorsueqqissaarluni ikiortitut sulisut:

Pilunnguaq Filemosen 15. oktober 2012-imi sulilersooq.
Suulut Lyberth Lange 8. april 2013-imi sulilersooq.

2013-IMI ISUMASIOQATIGIINNERIT, ATAATSIMIINNERIT AAMMALU PIKKORISSARNERMUT PEQATAAFFIUSUT:

TB pillugu ataatsimiinneq Iqaluit, Nunavut, Canada	25/1 – 7/2	Flemming K. Stenz & Thomas Rendal
European Society of Clinical Microbiology & Infectious Diseases, Prag, Tjekkiet	22/3 – 24/3	Flemming K. Stenz
Arctic Health Workshop, Århus Universitet, Danmark	17/4 – 18/4	Flemming K. Stenz
Joint ECDC/WHO European Tuberculosis Surveillance Network annual meeting, Haag, Holland	28/5	Flemming K. Stenz
Wolfheze TB-Workshop 2013, Haag, Holland	29/5 – 31/5	Flemming K. Stenz
NOMESCO Plenar- og redaktionsmøde, Helsinki, Finland	4/6 – 5/6	Flemming K. Stenz

Nordisk Helsedirektørmøde, Helsinki, Finland	14/8 – 15/8	Flemming K. Stenz
NunaMed, Nuuk, Grønland	7/9 – 9/9	Flemming K. Stenz, Gorm N. Pedersen, Turid B. Skifte & Thomas Rendal
ICS-Working Groups, København, Danmark	15/9 – 22/9	Flemming K. Stenz
Nordisk Tilsynskonference, København, Danmark	18/9 – 20/9	Flemming K. Stenz
NOMESCO Redaktionsmøde, København, Danmark	1/10 – 2/10	Flemming K. Stenz
Temadag om fødevarebårne sygdomme, København, Danmark	15/12	Flemming K. Stenz
44th Union World Conference on Lung Health, Paris, Frankrig	30/10 – 3/11	Flemming K. Stenz & Thomas Rendal
NOMESCO Planlægningsmøde, København, Danmark	4/12 – 5/12	Flemming K. Stenz
Nordisk Rusmiddelseminar, Nuuk	27/8 – 29/8	Turid B. Skifte
Nordisk Tilsynskonference, København	18/9 – 20/9	Turid B. Skifte
Pikkorissarnerit:		
Nordic School of Public Health, NHV, Göteborg	25/2 – 1/3	Turid B. Skifte
Nordic School of Public Health, NHV, Göteborg	30/9 – 4/10	Turid B. Skifte
Nordic School of Public Health, NHV, Göteborg	4/11 – 6/11	Turid B. Skifte

2013-IMI NAKKUTILLIILLUNI ANGALANERIT:

Tasiilamut nakkutilliilluni angalanissaraluaq pinngitsoortinneqarpoq silap ajornera peqququtagalugu.